

AGENDRE EPIFANIA

09 Februari 2025

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua niha Keriso, ba wondrugida migu Epifania andre, ma'owai ami fefu ba döi Zo'aya ya'ita Yesu Keriso.
Ya'ahowu....

SATO : Ya'ahowu !

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 7**

7. KHÖU KHÖU YEHOWA MANUNÖDO

1

do = bes 4/4

MM = 96 - 104

1. Khö-U khö-U Yehowa manunödo, me lö famaedo-Mö Lowalangi.

Utandrösaigö khö-U zinunö, abölö' ö ndra' odo Eheha-U

Ená fefu wanunögu andrö, oi ba döi Yesu Keriso manö.

2. Dönisido khö-Mö he Yesu, ya khö-U manö sa' ae wa' aurigu.

Ya so ba dödögu Geheha, sangila mamasao ya' odo khö-U.

Afu' afugu lö uböhöli, wanggalulu khö-Mö, Sangorifi.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : He Yehowa, farongogö khögu lala ba wa'auri andrö: no fahöna wa'omuso dödö föna-U, ba ba gambölö-U so wa'ohahau dödö si lö mamalö¹. HALELUYA.....

SA : **Manunö** : BZ. : 452

Haleluya..... Haleluya..... Haleluya.....

SA : Mangandrö ita :

He Yehowa Lowalangi, Ama sahakhö tödö ba sebua fa'omasi. Ma'andrö saohagölö me no Öheta ndra'aga moroi ba wa'abölö zogömigömi, no Ö'ohe ba haga, börö Zo'aya ya'aga Yesu Keriso. Ya Eheha-U Ni'amoni'ö zanuturu lala khöma, ena'ö si tedou ba saro ndra'aga ba wamati, ba si lö faröi ndra'aga ba wango'aurifagö fa'omasi irugi gamozua götö danö andre. Yaduhu..

3. MANUNÖ moroi ba Mbuku Zinunö Numero 87

87. NO TO' ELE WA' OMASI

Lala : Ya' e Dödö (No. 218)

do = bes 4/4

MM = 76 - 84

¹Taroma li bö'önia tola mufaigi ba nga'örö nifaogö si sara, faosatö si-IV

1. No to ' ele wa ' omasi Nama ba khöda fefu sa.
Ifatenge Keriso So' aya wangatulö niha.
Andrö wa si nangea ita, wanema fa ' omasi Nia.
Fangorifi si lö taya.
2. Hiza Yesu So' aya ya' ita, nifatenge Nama.
No Ya' ia zindruhu lalada, wogamö aurifa.
Khö-Nia so wangorifida, na mo' arota wamatida.
Me no möna auri ita.

4. FOMBASO TAROMA LI LOWALANGI FAMÖRÖGÖ (AF)

- : Da tafondrondrongo daroma Li Lowalangi, tehalö moroi ba zura Amosi 3:1-8
1. Mifondrondrongo daroma li andre, taroma li Yehowa, fanegu ya'ami, Iraono Gizeraëli, fanegu sato fefu, ni'ohegu miyawa moroi ba danö Miserayi; imane:
 2. Ba niha fefu ba guli danö, ba no ha ya'ami nituyugu; andrö wa u'otu'ö ami ba lalömi andrö fefu.
 3. Hadia, so zi darua, si fao ba lala, na lö samagölö ira?
 4. Hadia, mundröndröndröndrö zingo ba gatua, na lö ahuluania? Hadia, ifarongogö linia ono zingo, ba naha wemörö khönia, na lö hadia ia nira'unia?
 5. Hadia, alau wofu ba dandrawa tou ba danö, na tenga khönia mege lalau dandrawa andrö? Hadia, aefa dandrawa ba danö tou, na lö hadia zalau?
 6. Hadia, lalau göi dorofe yomo ba mbanua, si lö tokea niha sato? Hadia, itörö mbanua famakao hadia ia, na tenga khö Yehowa mbörö?
 7. Lö'ö! Lö ilau hadia ia Yehowa, na lö nibokainia ua tödönia, ba genoninia andrö, sama'ele'ö.
 8. Na no mundröndröndröndrö zingo, ba ha niha zi lö ata'u? Ba na no muhede Zo'aya, Yehowa, ba ha niha zi lö mama'ele'ö?

Simanö daroma Li Lowalangi, da tatema'ö faoma sinunö: BZ.Numero 20:1

BZ. No: 20. MISUNOSUNO ZO'AYA

1. Misunosuno Zo 'aya, mi bè zumange-Nia.
Mi 'ebua 'ö döi-Nia, sotöi banua-Nia.
Me no Ikaoni göi ami, afu mitemawa'auri, khö Yesu, Sangorifi.

5. FANGANDRÖ FANGEFA HORÖ

SA

- : Ya'ami ira talifusö'
Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia,fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

Masuno ba ma'angaröfi li Ndra'ugö Yehowa, Ama khöma si so ba zorugo, ba khö Yesu Keriso sangorifi. No sebua fa'omasi Ndra'ugö khöma götögötö wa'ara. Ma'ondrasi Ndra'ugö ba nahia ni'amonio'ö ba wangalulu ba ba wangandrö saohagölö, ba howuhowu si no falukha ndra'aga. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, si no mafalua, irege sohahau tödö ndra'aga wanohugö fekolima si faudu ba zomasi Ndra'ugö. Yaduhu.

SATO

- : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

- SA** : **Turia Wangefa horö** : “Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.
LAKHÖMI KHÖ LOWALANGI SI YAWA.....
- SATO** : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa' a tulö ba gulidanö ba niha ni'omasi 'ö andrö

(mudadao zato)

6. FOMBASO TAROMA LI LOWALANGI FÖNA HUHÜO (AB)

- : Da tafondrondrongo daroma Li Lowalangi, tehalö moroi ba zura **II Korindro 5:18-21**
- 18. Ba fefu da'ö, ba moroi ba Lowalangi, si no mangatulö'ö ya'ita khönia, ba khö Yesu Keriso, si no mame'e göi khöda halöwö fangatulö andrö.**
- 19. Lowalangi sa zi no mangatulö'ö khönia ösi guli danö, ba khö Keriso, lö ibe'e ömöra lälöra andrö, ba no ibe'e ba dödöma daroma li andrö, ba wangatulö andrö.**
- 20. Ba no sinenge ndra'aga, salahi Keriso, hulö na Lowalangi zamarou tödö niha, ba lima andrö, mangandrö ndra'aga, salahi Keriso, mamane: Mifa'atulö'ögö ami khö Lowalangi!**
- 21. Noa sa ibali'ö horö zi lö irai mangila horö, salahida, ena'ö tobali fa'atulö khö Lowalangi ita, ba khönia andrö.**

Ya'ahowu zamondrongo taroma li Lowalangi ba same'e ba dödö.

- SA+SATO** : Yaduhu

8. FASÖMBATA

- SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi ame'ela Persembahan Kasih. Ba si föföna ua da tafondrondrongo Li Lowalangi me imane:
- ❖ Same'e sumange fangandrö saohagölö, da'ö zamolakhömi Ya'odo, ba zi lö sinegu ba mbuabuania U'oroma'ö wangorifi andrö khö Lowalangi. (Sinunö 50:23)
- Tafa'ema wasömbata khö Lowalangi, manunö ita moroi ba Mbuku Zinunö **Numero 258**

258. NO OYA MBUALAU KHÖGU

do = g 2/4

MM = 88 – 96

1. No oya mbuala-U khögu, ba mbotogu ba nosogu. Hanu-hanu, fa' aurigu, fa' abölö, okhötagu. No fa' omasi-U Yesu, sagötö fekoligu.
2. No aboto ba dödögu, mbuala-U ba wa' aurigu. Andrö tumbu ba dödögu, wame' e fasömbatagu. Ubè sumange-U Yesu, me no Ya' ugö gumbu.
3. Angandröwagu khö-U Yesu, böi böda danga-U yawagu. A' aro' ö wamatigu, fahowu' ö wa' aurigu.

Tema wasömbatagu, fangebua mbanua-U.

4. Ha Ya' ugö gubalogu, gofu heza döröwagu.
Lö mofozu wa' aurigu, na lö fao Ndra' ugö khögu.
Ululu wa' aurigu, amatöröwa-U Yesu.
5. Abölö' ö na ndra' odo, wolo' ö taromali-U.
Ya maulu wa' omasigu, mane fa' omasi-U khögu.
Hagainido Eheha-U, afu anau gölögu.

SA :

Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ²

do = d 4/4

MM = 62 – 68

Ira'alawe □

1. Ya 'e zu-ma-nge fa-sömbata, ma 'o-he sumange Yehowa.

Iramatua

Reff: Ma'andrö khö-U fa-ho-wu'ö zu-mange ni 'o- hema khö-Mö

2. Ya'e zumange fasömbata mabe'e soroi ba dödöma.

Reff: Ma'andrö khö-U

3. Ya'e zumange fasömbata buala si'otarai Nama.

Reff: Ma'andrö khö-U

4. Ya'e zumange fasömbata, boto, noso, ba fa'aurima

Reff: Ma'andrö khö-U

5. Ya'e zumange fasömbata, lö irugi zomasi dödö-U.

Reff: Ma'andrö khö-U

6. Ya'e zumange fasömbata, ma'aohasi gölö Zo'aya.

Reff: Ma'andrö khö-U

FANGANDRÖ : *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

9. KOOR/VOKAL GROUP

- SA : Da tafaogö dödöda ba wanuno Lowalangi faoma sinunö ni'olohesi:
Koor ba Vokal Group
- a. Koor Jemaat
 - b. Kegiatan Kom.Bapak
 - c. Kegiatan Koremda
 - d. Kegiatan Sektor 1
 - e.

10. MANUNÖ

- SA : Da tafa'anö dödöda wamondrondrongo taroma Li Lowalangi, manunö ita moroi
Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu
Mangalulu ndra'odo föna-U ba gametahö-Mö ia da 'a
Öbayoini Eheha-U Yesu dozigö mbanua samati khö-U.
Ubokai dödögu khö-U Yesu nahia daroma li-U.
Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.
Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUAO SEBUA

- SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.
- Fombaso taroma Li Lowalangi *Luka / Lukas 5;1-11 (Tuho :Tekaoni ba Wama'u'u Niha / Dipanggil Menjadi Penjala Manusia)*
 - Fanuriaigö
 - Nitanö ba dödö. *Luka / Lukas 5:10c ("Böi ata'ufi, I'otarai da'e, ba sama'u'u niha ndra'ugö." / "Jangan takut, mulai dari sekarang engkau akan menjala manusia.")*
 - Fangandrö Fanga'aro'ö huhuo

SATO : Manunö : BZ. Numero 154 : 1

154. NO MAFONDRONDRONGO LIU³

- No mafondrondrongo li-U, Lowalangi So 'aya.
Tanö ba dödöma ia, fa böi olifuga.
Fahowu 'ö ia khöma, ena 'ö ohahau dödöma fefu.
Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
 - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
 - ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

MANUNÖ

SA : Manunö ita moroi ba Mbuku Zinunö **numero: 132 ayati 1-2**

132. HE YESU, EBOLO MBASITÖ

Lala : Na Hönö Mbawagu Ena' ö (no. 4)

do = f 4/4

MM = 96 - 104

- He Yesu, ebolo mbasitö, ba no ambö sohalöwö.
Ato nasa zogömi tödö, si lö mangila haga-Mö.
Dozi ndra' aga ma ' andrö, ya tobali tana khö-Mö.
- Ae tologa wangai halöwö, molo' ö ni' oroi' ö-Mö.
Ya dozi oi larongo li-Mö, ba lafonaha ba dödö.
Da möiga mafaduhu' ö, duria somuso dödö.

14. FANGANDRÖ SALAHI + FAMATENGE + HOWUHOWU

SH : Muzizio ita fefu, mangandö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :

SH + SATO : He Ama khöma siso ba zorugo, ya te'aroni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu

SH : **FAMATENGE + HOWUHOWU** :
 Mi'angawuli si fao fa'ohahau dödö, ya tobali ami sura Keriso, samaduhu'ö Ya'Ia ba Lala wa'aurimi sero ma'ökhö, ba mitema (tatema) howuhowu Lowalangi :
 ❖ Ya mufahowu'ö ami/ita Lowalangi, Ya murorogö ami/ita
 ❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/Khöda
 ❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu

SATO : Manunö BZ.Numero **132 ayati 3**

132. HE YESU, EBOLO MBASITÖ

Lala : Na Hönö Mbawagu Ena' ö (no. 4)

do = f 4/4

MM = 96 - 104

3. He Yesu, fa' anö dödöma, ba be' e khöma Geheha.
 Ba amoni' ö halöwöma, fa molakhömi Yehowa.
 Afu oi dozi matema, wa' auri so' ahonoa.

SH : YA'AHOWU

SATO : YA'AHOWU